

- C. RHOMBIFOLIA Willd. = *Youngia rhombifolia*.
 C. RUDERALIS Gærtn. = *Lactuca muralis*.
 C. RUNCINATA Wall. = *Youngia runcinata*.
 C. SESSÆANA Don. = *Pyrrhopappus Sessæanus*.
 C. SESSILIFLORA Lam. = *Phænopus vimineus*.
 C. TENUIS Wall. = *Ixeris polycephala*.
 C. VIMINEA Lam. = *Phænopus vimineus*.

DCCCXX. PYRRHOPAPPUS. — Chondrillæ sect. Crinissa Don. — Barkhausia Nutt. Ell. non alior.

Capitulum multiflorum. Invol. duplex utrumque polyphyllum, squamis linearibus acuminatis, inter. 1-seriale erectum, exter. brevius laxum seu subpatulum. Recept epaleaceum. Achænia oblonga submuriculata apice attenuata in rostrum gracile elongatum. Pappus pilosus pluriserialis mollis rufescens. — Herbæ pereunes Boreali-Americanæ rariùs Capenses. Folia lineari-lanceolata integra aut pinnatifida. Rami apice nudi 1-cephali. Flores intensè lutei. — Nomen ex πυρρός rufus, et παππός pappus. — Genus ferè medium inter Chondrillam et Tragopogonem, sed pappo rufescente fortè ad Hieracieas potius referendum.

Sect. I. CRINISSA Don l. c.

Invol. squamæ exteriores lineari-setaceæ subpatulæ. — Species Americanæ.

1. P. CAROLINIANUS (Nutt. gen. am. 2. p. 126 sub Barkhausiâ), glaber, caule erecto ramoso 2-3-cephalo, foliis lanceolatis acutis laciniatis subpinnatifidis aut subintegris, pedicellis longissimis, invol. squamis exter. lineari-subulatis. 2 in Amer. bor. frequens à Virginiam ad Floridam (Nutt.), in Louisianâ (Teintur.!), in Carolinæ ruderatis (Bosc! Michx.). Ell. sketch 2. p. 251. Leontodon Carolinianum Walt. fl. car. 192. Scorzonera pinnatifida Michx. fl. bor. am. 2. p. 89 non Lour. Chondrilla laevigata Persh fl. 2. p. 497. Flores splendidè citrei. Achænum rostro brevi. (v. s.)
2. P. MULTICAULIS, glaber, caulis è collo plurimis adscendentibus erectisve ramosis, foliis lanceolatis variè pinnatilobatis, lobulis acutis, pedunculis nudis apice involucroque brevissimè pubescente-furfuraceo, invol. squamis ext. lineari-subulatis brevibus, inter. pappum æquantibus linearibus margine subscariosis. — in Mexico ad Tamaulipas et S. Fernando de Bexar legit cl. Berlandier. Achænia muricata rostri longitudini æqualia; rostri apex sub pappo annulo villoso instructus. (v. s.)
3. P. SCAPOSUS, subpuberulus, foliis radicalibus runcinato-pinnatifidis subdentatis, scapo foliis duplò longiore nudo 1-cephalo, invol. squamis exter. lineari-subulatis brevibus. (2) in Mexico propè Bejar aprili florentem legit cl. Berlandier. Radix fusiformis subtuberosa. Achænia in meo specim. desiderantur. Pappus rufus et habitus omnino generis. (v. s.)
4. P. PAUCIFLORUS, glaber, caule erecto 1-2-cephalo nudiusculo, foliis radicalibus runcinato-pinnatifidis, summis in squamas pinnatifidas abeuntibus, invol. squamis exter. lineari-setaceis patulis. 2 in Mexico. Chondrilla pauciflora Sessè et Moçin. ex Don trans. linn. soc. 16. p. 180 non Ledeb.
5. P. SESSÆANUS, glaber, caulis plurimis 1-cephalis apice squamellosis, foliis radicalibus linearibus acuminatis subintegerrimis, caulinò unico lanceolato, invol. squamis exter. lineari-setaceis patulis. 2 in Mexico. Chondrilla Sessæana Don trans. linn. soc. 16. p. 180. Invol. squamæ sub apice tuberculo auctæ.

Sect. II. PIESIS.

Invol. squamæ exter. ovato-lanceolatæ adpressæ. — Species Capensis.